

# Heuningbye in Suid-Afrika

– wat grondeienaars kan doen om te help



Suid-Afrika se inheemse heuningbye word deur byeboere bestuur om heuning te oes en oesgewasse te bestuur.

**Die bestuur van heuningbye is baie noodsaaklik vir voedselproduksie in Suid-Afrika.** Meer as 50 oesgewasse maak staat op insekbestuiving.

Byeboere gebruik verskillende blomplante om voedsel regdeur die jaar aan hul kolonies te verskaf. Bloekombome, oesgewasse, inheemse bome en struik, stedelike tuine, en selfs onkruid langs die pad, word gebruik om die stuifmeel (proteïene) en nektar (koolhidrate) te verskaf wat heuningbye nodig het om 'n sterk en gesonde kolonie op te bou.

**Dit is moeilik om genoeg gesonde heuningbye vir die bestuiving van oesgewasse te volhou.** Om plaë (bv. *Varroa*-miet) en siektes (bv. Amerikaanse jongbysiekte), asook blootstelling aan plaagdoders te weerstaan, is 'n gesonde dieet noodsaaklik vir die volledige funksionering van die heuningbye se immuunstelsel.

**Byevriendelike beleid en praktyke kan help om voedsel vir heuningbye te verseker en sodoende Suid-Afrika se byeboerbedryf te steun en landbougewasproduksie te verhoog.**

**Alle grondeienaars het 'n rol om te speel.**



Goeie voedsel vir heuningbye > Goeie gewasbestuiving > Goeie opbrengs en gehalte

## Voedselsoorte belangrik vir heuningbye



## Wat grondeienaars kan doen

Omdat die huidige habitats en voedselbronne minder word, moet ons bestaande byevriendelike plante beskerm en in stand hou deur meer byevriendelike plante aan te plant.



Hoewel bloekombome indringers kan wees, is die doel om die moontlikheid daarvan deur goeie bestuur te beperk en die uitwerking op heuningbye se voedsel te verminder.



Ses bloekombooms spesies verskyn op die voorgestelde lys regulasies van uitheemse indringerspesies (sien name hieronder) wat onder die Nasionale Omgewingsbestuur: "Biodiversity Act" (NEMBA), 2004 as "Kategorie 1b" gepromulgeer sal word (m.a.w. hulle moet "in bedwang gehou word"). Verskeie toegewings is egter weens hul waarde vir byeboere gemaak, bv.: hulle word nie gelys nie indien 1) hulle in sekere biome is; 2) hulle binne bewerkte grond is; 3) hulle binne 50 m vanaf huise is; of 4) hulle volwasse bome in stedelike gebiede is.

- Eucalyptus camaldulensis* - Rooibloekom
- Eucalyptus cladocalyx* - Suikerbloekom
- Eucalyptus conferruminata* - Spinnepkopbloekom
- Eucalyptus diversicolor* - Karri
- Eucalyptus grandis* - Salignabloekom
- Eucalyptus tereticornis* - Bosrooibloekom



Hulle kan ook met 'n permit (in Kategorie 2) afgebaken word as voedsel vir bye, oesrye of houtpersele. Meer besonderhede sal op [www.invasives.org.za](http://www.invasives.org.za) verskyn.

**Grondeienaars moet die spesies en ligging van bloekombome op hul plase identifiseer.** Dié sonder bloekombome kan dit oorweeg om sekere nie-genoteerde spesies (bv. *E. ficifolia* of *E. gomphocephala*) te plant waar hulle nie waterbronne bedreig of 'n indringingsgevaar stel nie.

*Bloekombome behoort verwyder te word indien hulle langs waterlope, binne beskermde gebiede of ekosisteme wat vir bewaringsdoeleindes geïdentifiseer word, voorkom.*

Onthou dat **landbouchemikalieë** 'n groot uitwerking op alle insekte kan hê. Opvoeding oor chemiese aanwending en veiligheid is dus nodig vir boere, plaaswerkers en landboubeamptes, aangesien die gebruik van chemikalieë anders as op die etiket gespesifiseer, 'n probleem in Suid-Afrika kan wees. Kwekers moet spuitpraktyke met byeboere bespreek.



**Oorweeg dit om komplementêre gewasse (soos laventel of basiliekruid) of selfs voergewasse (soos lusern, klaverplante of wieke) te plant** wat belangrike voedsel vir heuningbye is.

**Moenie onkruid wat vir bye aantreklik is onnodig spuit** of uittrek nie.

**Oorweeg byevriendelike plante** wanneer jy tuinmaak, windskerms plant of grond ná 'n ontwikkeling rehabiliteer (bv. damwalle, padberms, ens.). Vra jou plaaslike kwekery watter variëteite plaaslik voorkom om probleme met indringing of hibridisering met veldspesies in die omgewing te voorkom.



Hierdie brosjure is as deel van die leesstof van SANBI se projekte oor bestuiving en voedsel vir heuningbye uitgegee.

Besoek [www.sanbi.org](http://www.sanbi.org) vir nadere besonderhede of kontak Mbulelo Mswazi (Uitreikbeampte) op [m.mswazi@sanbi.org.za](mailto:m.mswazi@sanbi.org.za)

